

# Alti Klatsch=Cligue 1922.



1. Isch das nit das Singerhus?  
Jo, das isch das Singerhus!  
Und das git e Zyttigsstruß,  
Und das git e Zyttigsstruß,  
Nasig duet me d'Lit do fihle  
Nasig tuet me d'Lit do fihle  
Und das heißt me sanftmorihle!  
Und das heißt me sanftmorihle!  
Sanftmorihle, duet me fihle, Zyttigsstruß, Singer-  
hus, ei du schene, ei du schene, ei du schene Schmitzel-  
bank!

2. Sin die nit voll Liebesbrunfcht?  
Jo, die sin voll Liebesbrunfcht!  
Das isch Niggi Stedli-Kunfcht!  
Das isch Niggi Stedli-Kunfcht!  
d'Vuebe amüsierts, dah grad am,  
Schulweg stoht, dä sindig Adam!  
d'Lehrer, die tien usbigäre;  
d'Lehrer, die tien usbegäre;  
Und die Selge kriege Fläre,  
Und die Selge kriege Fläre.  
Kriege Fläre, uffbigäre, sindig Adam, dä wo grad  
am, Stedli-Kunfcht, Liebesbrunfcht usw.

3. Sin das nit Naturschuffrind?  
Nai, sin nit Naturschuffrind!  
Gän die zwei nit herti Grind?  
Doch die zwei händ herti Grind!  
Wäge däne Ehrefibel  
Wäge däne Ehrefibel,  
Goh't's der guete Sach fascht ibel  
Goh't's der guete Sach fascht ibel,  
Sach fascht ibel, Ehrefibel, herti Grind, Naturschuf-  
frind usw.

4. Isch das nit e Kunstusstellig?  
Jo, das isch e Kunstusstellig!  
s'Defizit isch nit grad gfellig!  
s'Defizit isch nit grad gfellig!  
By dere Gschicht wird Gäld verfarret!  
By däre Gschicht wird Gäld verfarret,  
Doch hämer jeh e „Chevalier Barth“  
Doch hämer jeh e Chevalier Barth.  
Chevalier Barth, Gäld verfarret, nit grad gfellig,  
Kunstusstellig usw.

5. Isch das nit d'r Musigsaal?  
Jo das isch d'r Musigsaal!  
Dä zieht bald meh als Boxlokal!  
Dä zieht bald meh als Boxlokal!  
Statt Musig, Chor- und Sologfäng,  
Statt Musig, Chor- und Sologfäng,  
Verhaue zwai enander — Väng!  
Verhaue zwai enander — Väng.  
Enander Väng, Sologfäng, Boxlokal, Musigsaal usw.

6. Wird do nit leer Strau nur drosche?  
Jo, do wird leer Strau nur drosche!  
Isch das nit e Grobrotsgosche?  
Jo, das isch e Grobrotsgosche!  
Duet dä nit am lutschte rätsche?  
Jo, dä duet am lutschte rätsche!  
Das Gartebaimli sott me dättsche,  
Das Gartebaimli sott me dättsche.  
Baimli dättsche, lutschte rätsche, Grobrotsgosche, Strau  
nur drosche usw.

7. Kriegt die nit e Watsch an d'Ohre?  
Jo, die kriegt e Watsch an d'Ohre!  
Wo der stolze Leonore!  
Wo der stolze Leonore!  
Die het miser e Bildigsgrad,  
Die het miser e Bildigsgrad!  
Wie d'Hautevolée am Itelpfad!  
Wie d'Hautevolée am Itelpfad.  
So ne Werk, das isch nit z'prise!  
So ne Werk, das isch nit z'prise!  
Drum wird si au ins Kessi gwise!  
Drum wird si au ins Kessi gwise!  
Kessi gwise, Werk nit z'prise, Itelpfad, Bildigsgrad,  
Leonore, Watsch an d'Ohr usw.

